

T5237.77/2207(2)

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
YAMAMOTO
NOV 21 1958

2

有
1086

三卷

李夢陽 空同

薛蕙

朱豹

段 金石菴

黃省曾 五嶽

戴冠

黃佐 太泉

陳沂 石亭

楊慎 升菴

張含

蔡羽 林厯

四卷

何景明 大復

孫一元 太白山人

史明古 西村

睦樛 西亭

汪沂 魯狂

明詩 三言律

有 1086

批點明詩七言律卷三

哈佛大學漢和
圖書館珍藏印



東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

李夢陽

字獻吉號空同慶陽人家大梁弘治中進士官學憲

吹臺春日懷古

廢苑迢迢入草萊百年懷古一登臺天留李杜詩篇
在地歷金元戰陣來流水浸城隋柳盡行宮為寺汴

穆子曰李詩雄奇高古律法嚴整貫少岐之壘而拔其赤幟乃

千古勛敵

花開白頭吟望黃鸝暮。瓠子歌殘無限哀。

赴郊觀宿

城邊水色靜春茅。苑外鶯啼拂露梢。萬戶煙花臨複道。九天宮殿鎖南郊。霓旌夜發清溪繞。彩仗晨飛碧樹交。身到鈞天渾不解。坐聞仙樂下雲旂。

曉詣西壇候駕

萬宇沉沉曉漏催。九關魚鑰遲明開。闐闐鼓角空中起。片片爐煙霧裏來。氣結龍文隨御幄。風傳虎旅發仙臺。叨從百辟觀周典。不向秋風數漢才。

秋懷四首 原八首

首如雲
屯高嶺風
涌飛流

慶陽亦是先王地。城對南山不崩墳。白豹塞頭惟皎月。野狐川北盡黃雲。天清障塞收禾黍。日落谿山散馬群。回首可憐鼙鼓急。幾時重起郭將軍。

苑西遼后洗粧樓。檻外芳湖靜不流。亂世君臣那在眼。異時松柏自深愁。雕闌玉柱留天女。錦石秋花隱御舟。萬古中華還此地。我皇親為掃神州。

大同宣府羽書同。莫道居庸設險功。安得昔時白馬將。橫行早破黑山戎。書生誤國空談裏。祿食驚心旅

二首如鸞
繁弱揮
龍淵有吞
滅胡虜之
意

病中。女直外連憂不細。急將兵馬備遼東。

崑崙北極轉天河。獨馬年時向此過。渥洼西望迷龍

種。西厥南侵牧橐駝。黃花古驛風沙起。白雪陰山金

鼓多。况是固原新戰鬪。居人指點說干戈。

雪後朝天宮

馬上城中見雪山。白雲蒼霧滿燕關。蓬萊咫尺無人

到。松栢黃昏有鶴還。當日翠華游物外。百年金殿鎖

人間。浮塵擾擾江湖遠。悵望巖棲不可攀。

繁臺春集

小徑緣臺春自花。重堤飛閣盡雲沙。能將白髮隨流

輦。奈有清尊遣歲華。斷塔草垣增闕寂。古城芳岸趁

歌斜。忽驚旅鴈思南北。海色邊愁入暮笳。

出郊

簡懶經秋此出郊。野煙霜日靜衡茅。林桃葉盡青猶

實。陂麥苗齊綠自苞。堤曲獵狐穿雪窟。塔巔彈鶴落

風巢。隨心樂事非難取。舉眼平生覺易拋。

探春

老去探春每怕遲。酒朋棋伴日相追。無心柳絮當人

起有意桃花背馬隨臺榭草蒿離亂後往來絃管古
今悲幽崖尚慮殘梅在玉笛丁寧莫放吹

冬歸繁臺別業漫興

莽壙孤城此卜居宋臺梁苑獨行予虛名馬愧千金
後白首瑩憐萬卷餘踏麥遽堪寒葉翠看梅無那臘
花舒相逢莫漫嗔吾放野醉郊吟盡可書

雪日繁臺院閣酒集

臘朝廷向雪邊開倚閣風從萬里回枯樹故當看處
濕飛花偏墮掌中杯山河文物他年賦今古衣冠異

地材舉目蕭蕭改天色玉梯扶醉更登臺

歲暮

二詩有那
生自嶺薄
於遊宦之
意

嘆往嗟來祗自癡未衰那即髮如絲同朝鶴鷺雲霄
隔故國松楸道路疑園草喚愁偏勃勃檻梅偷臘故
垂垂端居寂寞無雙帶強食棲遲有一枝

中二聯雄
視千古

歲當癸酉廬山曲冬盡扁舟記獨棲湖海今水龍畫
立谿林壓雪虎時啼陰陽晴晦雙過鳥南北行藏一
杖藜今日中原對河嶽暮雲回首楚江西

無題戲效李義山體

曾倚清酣奏綵毫。象牀冰簟玉樓高。徐娘老去風情在。班女愁來賦興豪。秦柳日斜傷渭曲。楚蘭春暮怨湘皋。仙根寂寞崑崙遠。浪說人間有碧桃。

晚秋明遠樓宴集

此作如丹
梯百丈高
入雲霧

斜日層城合暮煙。新晴高閣敞秋筵。衣冠四海追游地。霜露中原感慨年。去鳥來鴻凭檻外。飛雲落木把杯前。回身忽在星辰上。醉眼真疑到九天。

陶君誇其分司桃花獨樹予往觀之次其韻

老嬾今來特為花花奇。親見主人誇入門。風片時時

隊近酒春枝。故故斜湖海。一尊憐舊侶。乾坤雙鬢愧年華。明朝許赴柴門約。共醉東園萬樹霞。

和君度上海棠賞之

老興看花不厭頻。折紅攀綠總怡神。孤枝解動雙樽影。數朶能回四座春。誰遣物華成歲色。自多人世有閒身。年來斷酒因脾濕。為爾還應暫入唇。

正月四日始出赴黃子之宴南鄰何儀賓以美

醪助杯即席口占

杜門常日追遊少。新歲初筵獨詣君。幸有鄰家能送

麗語如野
棠未落山
桃欲開

酒。况。多。賓。客。善。論。文。樓。臺。霽。日。斜。含。雪。竹。樹。和。煙。暮。
閣。雲。入。夜。不。歸。雙。秉。燭。近。尊。猶。喜。落。梅。芬。

良嶽

宋家行殿此山頭。千載來人只一丘。到眼黃蒿元玉
砌。傷心錦纜有漁舟。金繒社稷和戎日。花石君臣棄
國秋。漫倚南雲望南土。古今龍戰是中州。

潼關

咸東天險設重關。閃日旌旗虎豹間。隘地黃河吞渭
水。炎天白雪厭秦山。舊京想像千官入。餘恨逡巡六

此作如龍
騰虎變
蔚然成采

國還。滿眼非無棄繻者。寄言軍吏莫嗔顏。

遊上方寺晚登鐘樓

東北叢林冠此都。地分清寂聚僧徒。青天寶塔還今
古。赤日珠光乍有無。草徑鷺乾時獨立。松林鶴並晚
相呼。登樓更見河流急。嘆世因悲馬負圖。

開元寺

讀書臺倚鶴鳴峯。迴合千山翠萬重。白晝懸泉喧霹
靂。清秋雙劍削芙蓉。撐持古寺還雲閣。寂寞前朝自
暮鐘。瑤草石壇應不死。興來真欲跨飛龍。

三首如仙
掌雲霞
盈盈欲動

頷聯奇氣
驚人

此作有扛
鼎搗旗射
隼緣風之
雄

瀑壑晚坐

醉踏匡山晚未遲。翠巖丹壑凜秋姿。峯高瀑布天齊
落。峽靜星河夜倒垂。遠害欲尋麋鹿伴。暫羈終與世
人辭。磨崖徧剔蒼苔讀。獨坐雲松有所思。

楚望望襄中形勢

楚望峯頭望楚雲。遙憐紫蓋紫陽君。廬荒不斷盤龍
氣。碑滅猶存墮淚文。地轉江淮浮遠戍。水同巴峽塹
雄軍。里名冠蓋非吾事。願訪鹿門麋鹿群。

晚過禹廟之臺

暮行群過禹王宮。瑟瑟松林靜入風。步競石梯秋獨
健。眼收沙海月還空。聲名北上青駘客。潦倒中原白
髮翁。杯酒重傷分手地。古今踪跡本飛鴻。

宿少林次韻

萬山微暝一鐘鳴。古寺深秋倦客情。僧本折蘆番面
壁。人非騎鶴故吹笙。寒催亂木風交響。白動虛巖月
自生。慚愧勞勞不成寐。丁丁卧聽早樵聲。

寺前秋泛限韻

返照孤城落木中。畫船秋水坐來空。影涵樓閣人齊

過香引薰。段路轉通。雲氣襲樽。溫復冷。笛聲將。拖北
還東。不須預問。天邊月。波上餘霞閃閃紅。

王左史宅賞牡丹

槐庭絃管稱春筵。草圃繁華近暮天。老為名花扳自
放。醉逢國色轉須憐。娟娟影靜金尊裏。冉冉香回玉
笛前。莫問平章舊時宅。沉香亭已入蒼煙。

出塞

黃河水遶漢宮牆。河上秋風雁幾行。客子過壕追野
馬。將軍韜箭射天狼。黃塵古渡迷飛輓。白月橫空冷

牡丹詩易俗不俗乃為神品

此篇原本不載自王元美庖言中得之不知

當時何以遺之也豈神物之出固自有時乎

戰場。聞道朔方多勇畧。只今誰是郭汾陽。

追舊寄徐子

憶昔逢君雪滿途。遙憐為客向江湖。看碑定憶羊關
府。作賦先投楚大夫。日黑魚龍逐夢澤。草青麋鹿上
姑蘇。空回玉軫思流水。不得驂騑見過都。

限韻贈黃子

禁煙春日紫煙重。子昔為雲我作龍。有酒每邀東省
月。退朝曾對掖門松。十年放逐同梁苑。中夜悲歌泣
孝宗。老體幸強黃犢健。柳吟花醉莫辭從。

九日寄何舍人仲默

九日無朋花自開。登樓獨酌當登臺。孤城落木天邊下。萬里浮雲江上來。但遣清尊常不負。從教白髮暗相催。梁南楚北無消息。塞鴈風高首重回。

冬霽宴丘翁林亭

竹亭高宴雪霜殘。柏塢移尊月色寬。馴鶴自知迎客舞。絕琴今擬向君彈。醉來箕踞仍呼酒。老去留賓不着冠。解道冥鴻能萬里。肯輸烏鵲一枝安。

立春遇雪柬孫君二首

奇氣若猛
虎嘯而谷
風起

乾坤莽莽俱為客。世路悠悠各愴神。海內弟兄稀見面。天涯霜雪又逢春。馴階鳥啄猶呼侶。破浪龍吟不避人。幾欲開尊向梅柳。白眉青眼為誰顰。留滯周南春復春。路迷何處問三秦。竟非吾土堪垂淚。不為儒冠豈誤身。偷臘檻梅暄媚眼。弄寒山篠晚傷神。虛傳夜雪能乘興。不見山陰鼓柁人。

送張訓導棄官為母

蜀道干戈暮角悲。水行溪壑轉春姿。辭劉徐庶心先苦。迴馭王陽願不違。正月巴山猶碧樹。孤舟峽口已

黃鸝并吞割據千年事。愁見岷峨有戰旗。

寄華韶州

十年不寄一封書。索處常思萬里餘。謫宦賈生元獨
遠。抗言劉向果誰如。新符海外勞分處。舊德朝中想
佩魚。退食昔移青瑣步。論文偏過省郎廬。

贈鄭庚

文物江東數歛都。里傳貞白似君無。門前不種鈎衣
草。堂上常巢返哺烏。為客老年今道路。告歸春日復
江湖。沙溪酒熟兒孫勸。拄杖徐行步綠蒲。

喬太常宅夜別

竹梧池館夜偏寒。促席行杯漏未闌。燕地雪霜連海
嶠。漢家鐘鼓動長安。吟猿見月移孤樹。宿鴈驚人起
別灘。二十逢君同躍馬。十年回首笑彈冠。

穀日酬鄭屠二省使攜酒見訪

殊方穀日軒齊過。返照虛牕暖自通。短髮江湖今會
少。早春閩闔舊遊同。越南閩北風煙際。岸柳園梅霽
雪中。時世艱難須共濟。此生杯酒任西東。

贈何君遷太僕少卿

省客新乘卿士車。尋盟特別水雲居。還朝賈誼元前
席。去國虞生合著書。貪顧休輕冀野馬。祖行親釣汴
河魚。虛疑厄閏春情晚。驛路群花宛宛舒。是年遇閏
何有官似

黃楊厄閏
年之句

高門堤陳氏別業夏集

門堤平野突崔嵬。慢屋深林石磴迴。盛世行藏吾學
圃。異鄉天地此登臺。憑軒五月涼風入。移席孤城返
照來。急管暮催杯更進。醉翁非為酒徘徊。

見素林公以詠懷四章見寄觸事敘歌輒成篇

四詩如游
魚潛水翔
鳥薄天

什數亦如之末首專贈林公

青天萬仞削芙蓉。憶踏匡廬第一峯。哀壑暮雲埋虎
豹。大江春浪變魚龍。天池御筆親留碣。石室山僧獨
扣鐘。綵筆昔曾霄漢上。舊題應被紫苔封。

又如黃鵠
摩空羽翮
難近

賦井傳王粲。倚樓題林猿。浦鴈心常往。楚雨襄雲路
不迷。縮項一槎真欲釣。幾時重訪鹿門棲。

買園近闢三三徑。啓戶遙當六六峯。敢向大河誇樂
土。且將名嶽寄行蹤。風林躍馬狐狸走。草澤回舟鴈

鷺衝昨復賴陽開。別業傍軒新。徙具茨松。

西伐親將龍虎軍。南歸甘即鷺鷗群。謝安實費登山

屐。司馬虛傳諭蜀文。釣罷蘭溪宵上月。吟成壺嶺晝

生雲。何時勉為蒼生起。悵望東南五色氛。

閻曹二子發京姪。木與之同舟而下。有詩紀之。

予亦和此篇。

共水同舟伴謫居。海天春色盡涵虛。蠻方故啓流官

路。漢史終收痛哭書。蜀徼山高常帶雪。滇門池苦亦

生魚。上林花樹年年在。前席行看入禁廬。

夏日上方寺追念舊遊寄平陽王守前御史

伏天樓閣同游地。尊酒松林憶並攜。驄馬昨朝三極

北。虎符俄剖萬山西。人間散合留高跡。壁上風雲護

舊題。出守次公元入相。汾川應與賴川齊。黃霸字次

東庄冬日別謝行人

冬圃朋游菊半蕪。風林互飲葉全鋪。往來物理須霜

露。離合人情豈路途。乾綠冷紅難避眼。剩香餘馥故

侵壺。相逢莫漫憐脩竹。要識乾坤有碧梧。

上方寺會監司諸公

掌中杯影
太是仙語

梁園四月斗炎蒸。眾飲松堂爽色凝。天上樂聲僧梵接。掌中杯影塔雲層。高情不使忙官奪。野興常於勝地增。西海漸生歸路月。上方無藉散花燈。

東庄藩司諸公見過

少年湖海老中原。萬里誰期共一尊。邂逅路岐須盡醉。向來離合敢重論。桑麻事業陶公徑。鳥雀人情翟氏門。嬾散廢書瓜可種。夜來時雨足吾園。

新秋宣威後堂會張鮑二帥晚過東園作

戟府臨秋氣自威。林亭過雨日能輝。但邀文士揮彤

月在尾聯

管。不願將軍試鐵衣。雲濕白花籬。槿重風搖朱果石。榴稀彎弓欲看雙禽墮。海闊天晴鴈不飛。

酬聶監察淮上見寄

落木秋城動客哀。急風胡鴈帶沙迴。夷門合是投簪地。淮海須憑攬轡才。勲業壯心頻覽鏡。暮雲詩句幾登臺。太微實與群星異。已有光芒接上台。

夏都諫勘鄴潞之戰惠見憶之作寄答二首

廿年不入紫宸朝。白髮猶能伴野樵。敢向驂騑爭道路。固知鷓鴣自雲霄。狂歌見月時呼酒。嬾性臨風欲

二首如玉
隱瑤溪錦
被沙納

棄瓢寄與昔游青瑣客。領雲溪雪記同招。
岩堯上黨接壺關。杖鉞冬行歷萬山。巖凍雪埋擒虎窟。
窟。窟。腥。雲。嫺。斫。龍。灣。嶄。嶼。路。透。漁。樵。入。蒼。蔚。林。清。鳥。
雀。還。為。問。登。高。能。賦。者。霜。毫。幾。掃。白。雲。間。

九日繁臺

禹廟登高人盡迴。儒宮下馬盡殘杯。奔陳孔甲元孤憤。
去。趙。虞。卿。且。未。衰。高。葉。下。風。還。抱。石。片。雲。拖。雨。故。
臨。臺。酒。闌。却。憶。十。年。事。半。醉。呼。鷹。向。此。來。

九日衙齋對酒偶作

中聯如豪
士擊鞠巧
捷如意

此作如秋
蘭被坂朱
華冒池

故鄉叢菊嘆離居。客邸秋梅葉且舒。四海重陽三滯酒。
兩。河。歸。鴈。幾。傳。書。拂。衣。欲。就。淵。明。里。短。髮。猶。驅。孟。
博。車。意。遠。遲。回。耶。復。酌。浮。雲。北。望。佇。踟。躕。

乙亥元夕憶舊柬邊子卧病不會

憶昔金錢並卜懽。稱心燈火獨長安。鑪香欲散尚書省。
環。珮。先。歸。太。乙。壇。十。載。酒。杯。誼。五。夜。九。衢。遊。馬。閱。
千。官。蓬。飛。轉。合。今。同。此。月。滿。梁。園。却。自。看。
邊舊太常故曰太乙

壇

丙子冬至

奉天門下玉闌橋。此日催班早侍朝。占史奏雲懽萬
國。大官傳宴散層霄。苑梅迎律春先動。宮柳臨風色
欲搖。一出忽今驚十載。百年勲業有漁樵。

除夕寫懷呈毛使君

晝日淒淒風色嚴。晚登雲閣漫開簾。山河不逐年華
改。天地空悲老鬢添。隨俗香燈消獨夜。近人星斗下
虛簷。微吟暗憶乘駟使。綵筆迎春幾自拈。

元日宴王孫第

向夕虛廊風自驚。啟筵華月坐留情。琴樓合與衣冠

此作如雲
拖朱閣風

正綺檻

客。鐙榭遙聞歌吹聲。吟劇晚梅聊索笑。醉移寒竹互
罽盤。九衢遮莫催車馬。願倒王孫百甕清。

九月七日夜集

此夜邀賓過草堂。實因佳節重壺觴。時侵回柰燈前
菊。老去誰拋鏡裏霜。草暗微寒催蟋蟀。雲開片月下
滄浪。明朝好趁登高伴。木落天空望帝鄉。

辛巳立春

冬晴轉覺冰霜厲。日散俄還海嶽春。綵勝恩光曾侍
帝。菜盤風俗謾隨人。雪融樓閣沾沾薄。煙動松筠裊

明言言律卷三
五
二
裊新人壽幾何吾半百。到唇杯酒莫辭頻。

辛巳元日

倏忽吾生五十春。兩朝遺佚太平身。望鄉心逐關雲起。懷國情將汴柳新。自信右軍非墨客。王右軍五誰言高適是詩人。適年五南征昨報龍旗返。佇想嵩呼動紫宸。

九月晦日西南陂再泛二首

二詩如白
日初升後
采芣采

水國窮秋霽更寒。渚宮重宴菊猶殘。閒身欲住張融舸。短髮羞欹杜甫冠。日映樓臺天上過。風恬魚鳥鏡

中看。緣池莫戀檀欒竹。即擬枚乘賦不難。

水上冬初多白雲。沙間煙滿白鷗群。經添雨雪湖非減。刈盡蕪葭路轉分。當岸女墻晴倒出。傍船木葉醉偏聞。回途恐觸蛟龍蟄。莫遣鳴笳徹暮曛。

田居喜雨

有田憂水復憂乾。一雨農心得暫寬。從此荷鋤添野事。向來垂釣看風湍。臺林澤草俱回態。急響微沾並作寒。薄暮斷虹妝霹靂。曠原西日倚筇看。

臺寺夏日

此作英風
爽氣踞踞
山河

古臺高並鬱岩。堯斷塔稜層鎖寂寥。積雪洞門常慘
慘。炎天松柏轉蕭蕭。雲雷盡壁丹青壯。神鬼虛堂世
代遙。惆悵宋宮偏泯滅。二靈哀怨不堪招。

朱仙鎮

千古遺恨
宛在華端
讀之令人
泣下

水廟飛沙白日陰。古墩殘樹濁河深。金牌痛哭班師
地。鐵馬驅馳報主心。入夜松杉雙鷺宿。有時風雨一
龍吟。經行墨客還詞賦。南北淒涼自古今。

薛蕙

字君采。亳州人。正德甲戌進士官吏部考功
郎中。

題張子醇西峯草堂

薛公理學
淵深詩亦

有致

山人卜築城西郭。日日西山爽氣來。細雨濛濛丹磴
濕。晴雲裊裊翠屏開。堦前蔓草穿書閣。石上松林覆
奕臺。况有春湖可乘興。他時須作泛舟迴。

朱豹

字子文。上海人。正德丁丑進士官御史。

九月十日同諸友登丹鳳樓

潮聲今古
山色有無
大是佳語

雲樓百尺眼前空。昨日登高興未窮。江上潮聲今古
在。雨餘山色有無中。酒酣黃菊憑欹髮。老去流年付
轉蓬。倚遍曲闌無限好。西風回鴈落霞紅。

段金

字子辛。號石菴。武進人。正德間進士官主事。

失題

此必江上送別館閣人

東風新水滿城陰。落日飛花亂客心。千里夢寬京國遠。十年情事酒杯深。紫泥香暖看裁詔。玉局書成有賜金。多病不堪還此別。江干芳草獨沾襟。

黃省曾

字勉之號五嶽山人吳縣人正德間舉人

歲暮述志

揚雄草玄閉環堵。夜夜青藜徒自苦。荒徑三條翳草萊。仙經一帙披龍虎。綵綬浮雲昔已看。黃金北斗何須數。世務紛紛不可干。寸心獨抱羲皇古。

山人從空
同子刻意
為詩竟成
一家蓋選
中不可無
者

虎丘詠

芙蓉近倚闔閭城。眺閣觴樓逐勢成。珠寺翻為歌舞地。青山盡是綺羅情。巖花吐學紅粧麗。谷鳥啼兼鳳管聲。十里垂楊芳草岸。四時常映彩舟行。

戴冠

字仲鶚信陽人正德戊辰進士官學憲

送丁原德北歸

却憶往年分手處。相逢忽忽又三年。秋風碧樹淮南月。暮雨黃茅海外天。我已攜家依峒戶。君今鼓棹破江煙。一尊重對知何日。萬里生還未有緣。

戴詩如升
厓綠水澹
然有味

明詩七言律卷三
人日遊石磔

人日尋春到海隈。新年物色太相催。風吹燕子千家入。暖逼桃花幾處開。久住山林殊自適。頻來峒客更無猜。黃柑白酒能消渴。盡日松間坐不回。

黃佐

字才伯號太泉廣東香山人正德辛巳進士官詹事

春興

精詞雅致
風雨瀟瀟聞曙雞。春來長憶碧山棲。煙開籬落花光動。日暖園林菜甲齊。入饌江魚供白髮。潑醅芳酒對青谿。刺桐枝上紅如錦。自在流鶯盡日啼。

陳沂

字魯南號石亭鄞縣人正德丁丑進士由翰林官至行太僕卿

與元瑞宿永寧寺

梵宮高棟幾攀躋。遠傍蕭臺入舊蹊。四野暮煙人欲靜。滿林寒磬鳥初棲。窓間蛩語同僧寂。樹裏星光向客低。此際對床那易得。出門岐路各東西。

壽泓師

種樹祇園五十年。人間僧獵且隨緣。青蓮法喻元無字。明月心空不坐禪。問道久從金錫下。登堂長拜紫衣前。遠公亦愛陶彭澤。百歲時來索醉眠。

太僕詩宏
博精深當
屬大家

小至舟泊衢城下灘聲月色愴然有懷

倦客東歸一繫船。天涯行役自堪憐。空江月色孤城下。永夜灘聲獨枕前。豈有微勞酬厚祿。祇餘衰病寄殘年。愁長未覺寒更減。星斗惟看直北懸。

西山次韻

西寺遙山接補陀。憐君信宿遍經過。百年蹤跡漢司馬。三月風光晉永和。行入亂峯鳴溜急。坐深芳樹落花多。他鄉故國同登賞。但得乘閒且醉歌。

楊慎

字用修號升菴新都人正德辛未狀元官修撰

太宰松泉夏公壽詩

赤鳥歸來髮未星。紫垣光燭照涪陵。山中宰相無塵事。河上仙翁有道經。春色又驚梅蕊白。薰風幾換荔枝青。停雲問月多篇詠。何日滄浪一共聽。

懷歸

星橋南望沉犀渚。雪嶺西連抱珥河。關塞渺茫蒐夢隔。山川迢遞別離多。汀洲春雨塞芳杜。茅屋秋風帶女蘿。心事未從詹尹卜。生涯聊聽僂童歌。

張含

字愈光永昌人正德間舉人

用脩學字富
千古人謂其
詩不逮學
觀此三詩恐
亦非貞元
以後語也

張君所遺
用脩二首
藻麗精
深殊有襟
度

巳亥秋月寄升菴

金馬秋風十載餘芙蓉深巷閉門居
登樓莫作依劉賦奉使曾傳諭蜀書
卧病可憐天一柱獨醒無柰楚三閭
北來消息風塵動白首滄江學釣魚

寄升菴

東觀聲名北斗齊鳳凰踪跡成雕題
八千里外潮陽馬十九年來海上羝
銅柱薰葭鴻鴈響錢城煙雨鷓鴣啼
連宵數有懷人夢記得分明錦水西

蔡羽

字九達號林歷吳人正德間官翰林院孔目

詩冲雅
不俗

春去

萍藻經春高石牀水亭終日柳花香
坐忘屋裏青山近卧起天涯綠草長
楚國登樓空作賦梁園啼鳥苦思鄉
東闌芍藥三年別誰護西湖夜雨狂

秋日

清秋山色淨簾櫳八月芙蓉滿鏡中
醉任嶺雲連海綠愁禁楓葉接天紅
養魚好伴鴟夷子飲水無如桑苎翁
江上美人期不到吹簫獨自向虛空

批點明詩七言律卷三

批點明詩七言律卷四

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

何景明 字仲默號大復信陽人弘治間進士官學

舟次漢陽

使客舟從漢口來武昌城對漢陽開千年洲在空流水百尺樓高鎖舊臺太白未輕崔顥句老瞞元妬禰

穆子曰何詩清淑典麗鏗然瑩然真得風人溫柔敦厚之旨

生才山川不盡豪華盡落日煙江思轉哀

岳陽

此作藹如
慶雲冷若
清飈

楚水滇池萬里遊使車重喜過巴丘
千家樹色浮山郭七月濤聲入郡樓
寺裏池亭多舊主城中冠蓋半同遊
明朝又下章華路江月湖煙綰別愁

七夕

夜久高城風露收微雲斜漢兩悠悠
閨中擣素思關塞樓上穿針待女牛
屏燭影深秋似水池花香澹月如鈎
桂宮高處寒多少誰念嫦娥此夜愁

寄君山

塵蹤西過巴陵地尚欠君山寺裏詩
十里無緣攜客到六年不見使人思
空巖竹映湘妃廟舊井潮深柳毅祠
湖上老仙誰得遇夜寒橫笛向江吹

華容弔楚宮

別館離宮紛綺羅細腰爭待楚王過
章華日晚春遊盡雲夢天寒夜獵多
廢殿有基人不到荒臺無主鳥空歌
西山煙月長如舊只有繁華逐逝波

此作如和
風飛響鮮
雲垂蔭

月潭寺二首

二詩如花
雨續紛寶
月團圓

玲瓏金刹白雲邊。踏閣攀林一徑穿。龍出洞門常作
雨。鶴巢松樹不知年。僧來殿上鳴鐘飯。客到山中借
榻眠。怪底夜來難得寐。秋風窓下遶流泉。
綠蘿陰下倒蒲團。茗葉松花進晚餐。近水雲霞晴亦
雨。傍巖樓閣晝常寒。旅懷寥落逢秋半。僧話淹留坐
夜闌。惆悵塵蹤又南去。朝來鐘磬隔煙巒。

九日黔國後園二首

何處風煙消客愁。將軍臺榭枕山丘。一年又過重陽
日。兩鬢空愁萬里秋。水國陰多寒已至。炎方霜後瘴

二詩如秋
泉畫鳴哀
採夜響

初妝。憑高欲送登臨眼。更上池邊百尺樓。

天空遠水明秋岸。梧葉蕭森楓樹殘。黃菊數從行處
見。紫萸獨向醉中看。浮雲樓觀滇城暮。落日山川棘
道寒。忽憶登高去年客。慈恩湖閣共憑闌。

呂公祠

落日蕩漾古水濱。邯鄲城邊逢暮春。趙王臺榭草花
盡。呂公祠堂松桂新。馬上十年元是夢。世間何處可
還真。黃金白髮俱閒事。赤日紅塵愁殺人。

還家口號

十年奔走違親舍。此日歸來喜不禁。敢向明時輕組綬。祗緣多病乞山林。閒居擬著潘安賦。高卧寧知謝傳心。早晚南巖桂花發。開軒相望一長吟。

病後

病後頻驚節序過。不將風景怨嗟咤。秋來門巷依楓橘。歲晚衣裳戀芰荷。洛下閒居辭宦早。茂陵消渴著書多。鳳凰池上三年客。驥裏空鳴白玉珂。

吹笛

橫笛高城弄晚颼。碧空如水鴈來時。關山月落腸應

以下三詩若
花雜柔蕙
鶯亂錦羽
芳菁可愛

斷樓閣。秋生響易悲。楊柳天邊渾折盡。梅花江畔故開遲。武陵回首南征路。一曲那堪馬上吹。

沈逸士來自吳下。能詩善鼓琴。間投篇什。見訪顧館於城中。予以病不得出。迺作此詩招致。敝

庄

寂寞秋山卧病年。美人勞贈白雲篇。陳蕃已下迎徐榻。王子寧迴訪戴船。郭外樓臺堪眺望。水邊花樹足留連。廣陵失後無新譜。莫惜攜琴為我傳。

秋興八首

大復秋興
八首情景
俱臻妙境
乃千古絕
唱少陵老
子為不能
擅美矣

高樓一上思堪哀。木盡山空鴈獨迴。萬里關河迷北
望。無邊風雨入秋來。故人尺素年年隔。薄暮清砧處
處催。徒有寒樽對花發。病懷愁絕共誰開。
憶在京華近侍年。五更清珮入朝天。鳳凰池接夔龍
會。閭闔樓開日月懸。南國自通滄海貢。胡塵不動玉
門煙。只今病卧遙回首。夜夜清光北斗邊。
前歲今皇新御極。鳳銜恩詔出明廷。孤槎奉使日
南國。萬里題詩天畔亭。地入金沙江浩浩。風連銅柱
海溟溟。昆明亦在滇城裏。池上虛疑織女星。

蜀中形勝千年在。峽樹江花照使袍。神女廟深虛夢
雨。漢王臺迥落秋濤。漁人東望滄浪闊。客子西來艷
灑高。不見啼猿繫舟處。風波遙夕夢菟勞。

漢使東馳入楚來。長沙秋望洞庭開。江清樓閣中秋
見。日落帆檣萬里迴。去國尚思王粲賦。逢時空惜賈
生才。湘南兩度曾遊地。惆悵煙花暮轉哀。

秋來門巷少經過。日日幽懷對薜蘿。一笑流光拋客
路。十年歸夢落漁簑。沙邊返照寒初斂。水上浮雲晚
故多。苦憶梁園詞賦客。黃河愁望渺煙波。
時李獻吉在汴州

日言詩行卷四
五
裊裊西風歇衆芳。天高谿谷迥煙霜。孤城落鴈衝寒水。萬樹鳴蟬帶夕陽。塵滿一區楊子宅。蓬生三徑蔣公堂。相過未有高陽輩。醉裏狂歌亦自長。
千年申國有提封。楚塞重關渺未窮。舊事祇看東逝水。高臺不斷北來鴻。連山落木蕭條後。隔坐殘花悵望中。正是平居多感慨。祇須詞賦答秋風。

寄贈劉東山先生次林都憲韻

一疏歸來卧舊山。幾迴天上識容顏。城邊黃石留侯去。海內蒼生謝傅閒。日月夢隨天闕仗。煙波家在洞

庭灣。南瞻江漢無多路。不得乘槎一往還。

九月二十六日同賈廣文劉舉人任貢士高夔府先生宅內賞菊三首

秋來搖落俗堪嗟。喜見孤芳殿物華。深院護籬元密密。小堂穿徑故斜斜。清詞屢動詩人座。白酒還逢處士家。老逐少來無住日。莫教空負滿頭花。

淺白輕黃千萬枝。幽香今日始相期。雨中籬落人稀到。水畔亭臺蝶不知。折向秋風堪寄遠。種因晚節故開遲。去年此會今皆健。來歲花時可對誰。

三詩如丹
葩曜日綠
竹搖風

野店山家開已殘。寒來移近曲闌干。亭亭似與霜華
鬪。冉冉偏隨月影繁。千里况逢佳客賞。幾人能得故
園看。清尊歲暮東籬下。采采金花不滿盤。

無題

艷舞嬌歌出絳紗。黃金不惜教琵琶。鴛鴦本是雙棲
鳥。苗苗元開並蒂花。紫玉豈忘韓重侶。綠珠寧負季
倫家。多情自古還多恨。腸斷春風巷柳斜。

答雷長史二首

汝上相逢歲已長。故人官况近荒涼。天涯白髮催遲

情態若長
袖隨風悲
歌入雲

暮客裏清尊送夕陽。賈誼功名終負漢。馬卿詞賦尚
遊梁。看君尺素遙相慰。况是羊何有和章。

十載寒氊鄭畫師。風流文采更堪思。朱門鼓瑟官仍
達。青殿揮毫出每遲。百里風煙還薄暮。孤城雨雪已
多時。極知歲晚傷心切。起傍官梅自詠詩。

送易太史歸省湖南

楚鄉秋去息風塵。碧石清沙江色新。入里競迎金馬
士。趨庭遙拜白頭人。天邊拄杖尋南嶽。海畔登樓望
北辰。亦是長沙詞賦客。莫看搖落重傷神。

八日王宗哲宅見菊

此作如雲
日輝映水
月澄鮮

燕臺菊樹艷秋堂。楚客鄉心益渺茫。人世幾回逢一
笑。天涯明日過重陽。高雲錦石寒相映。細雨晴沙濕
不妨。况是右丞多雅詠。可能無興醉花傍。

輞川

摩詰詩中
有畫此作
似之

飛泉萬壑通藍水。仄徑千峯入輞川。野老豈知旌節
到。世人空作畫圖傳。龍巖岸折深無地。雞犬林開忽
有天。即此買山堪避俗。桃源何必訪神仙。

壽西涯相公

黃閣文章鳴太雅。玉機功業贊維新。十年天下先憂
淚。五畝園中獨樂身。南極壽星朝北斗。靈芝仙草映
長春。裴公郭相看前代。社稷蒼生望老臣。

小齋初開崔郭田三君子至

風致如月
出石渠芙蓉散華

本買齋堂為客居。敢扳冠蓋枉吾廬。清風座引高人
榻。深夜門停長者車。竹下涼蟾輝几杖。花間螢火靜
琴書。黃門翰苑俱鄰近。濁酒盤飧意不踈。

寄黔國公

萬里山川開百粵。十年戎馬暗三巴。伏波銅柱衝炎

塞橫海樓船出瘴沙。鴻鴈不傳天北字。瓊瑤空憶日南華。飄飄奉使金門客。目斷銀河八月槎。

七夕

楚客旅魂驚巧夕。燕京風俗闢穿針。樓臺送暑催秋扇。關塞迎寒起暮砧。海內弟兄風雨夢。天涯兒女歲時心。乘槎莫問支機石。河漢年年此夜陰。

宗哲初至夜集

衛川舟楫九秋旋。京洛衣冠更此筵。萬里況逢鴻鴈候。一杯仍對菊花天。燈前月落城烏起。堂上雲開塔

樹懸聚散古今同。逆旅莫看風景倍悽然。

月夜王宗哲宅贈田子之江西

高城吹角此宵寒。遠客今歌行路難。歲暮風煙殊去住。天涯燈火共悲歡。西江日落移舟入。南斗星懸倚劔看。廬岳玉山千萬里。不知何地望長安。

送殷近夫之青田

石川居士昔食霞。為吏風塵不怨嗟。海上故栽彭澤柳。江邊新種洛陽花。飄飄暮送凌空鳥。渺渺春迴上漢槎。安得便同仙令去。遠從勾漏覓丹砂。

詩意如清
川含藻高
岩拔華

奉寄泉山先生

比戰南征兵未休。我師高卧只林丘。蒼生尚繫裴公望。白髮寧忘范老憂。江上弋人徒慕鴈。海邊漁父不驚鷗。冥冥蘿月三山外。獨倚京華萬里樓。

得獻吉江西書

近得潯陽江上書。遙思李白更愁予。天邊魑魅窺人過。日暮黿鼉傍客居。鼓柁襄江應未得。買田陽羨定何如。他年淮水能相訪。桐栢山中共結廬。

無題回文

絃中曲怨不同調。早見相如病骨銷。眠獨夜烏啼渺渺。夢多春草碧迢迢。煙生暗閣鸞添鏡。日落空樓鳳罷簫。年往恨花飄水逝。傳書有鴈一停橈。

送海岳陳翁還常州

海岳先生眉髮青。比遊歸興渺滄溟。雲霄萬里看辰極。河漢孤槎送客星。裊裊菊花南國宴。萋萋蕙草北山亭。水雲曲奏流金石。風雨蛟龍夜夜聽。

以道席上送世其與其妹丈蕭執夫同行

燕山杯酒暫相隨。楚岸扁舟遠並移。鄉土青春歸有

伴風塵滄海見無期。舊遊每憶三江興。此去遙傳五岳詩。弟妹憐予各飄轉。天涯送汝不勝悲。

兩湖書屋

書屋何年結構成。青天對落兩湖清。岸迴沙檻鼉鼉折。水抱晴窓日月生。開卷已知當世事。下帷應見古人情。扁舟南國無由並。暮採芙蓉悵獨行。

送韓大之任新都

漢庭仙吏幾時回。蜀道風煙此日開。萬里一琴將鶴去。九霄雙鳥望鳧來。雲邊石棧斜懸閣。樹裏春流曲

抱臺藏器久知盤錯志。脫身方見古人才。

送劉朝信之江山

江山縣中山木蒼。颼颼風林開豫章。嶺石細通閩鳥道。澗流斜帶楚人鄉。青天岸幘時行郭。白日彈琴不下堂。同學共知年少志。豈將書劍負行藏。

送賈學士之南都

金陵樓閣九天開。銀漢仙槎萬里來。宮月夜懸鳩鵲觀。江流春轉鳳凰臺。直從北極看南極。却望中台接上台。嗚世早傳吳下作。逢時真羨洛陽才。

清曠如華館流波聲達未風

和李宗易內翰立春日作

春日長安車馬迎，密煙輕旭弄朝晴。
詩來草動池塘色，吟罷花增館閣清。
萬里江湖桃竹杖，十年風雨鐵燈檠。
一官樗散空時序，又見春盤細菜生。

送施聘之侍御

海甸春風攬轡情，燕關驄馬去還鳴。
繡衣霄漢花間出，錦纜江湖樹裏行。
近日西臺多諫草，少年南國有詩名。
別絃更憶風流調，愁聽東城二月鶯。

送劉令還襄陵

聞道襄陵有勝遊，西行風景似南州。
竹蟠縣裏青青出，水到城中曲曲流。
仙客候鳧知下鳥，吏人迎鷁見回舟。
亦知此是棲鸞地，露冕重來只暫留。

送都南濠歸吳

愁論白首為郎日，喜見青山送老年。
去堽望雲霄皆動色，到知鄉里更稱賢。
丹梯五岳盧敖杖，春水三江范蠡船。
他日著書應不少，可無人識子雲玄。

送杭憲副兵備天津

大津橋北望京樓，金鼓東行節使舟。
日月晝懸滄海

樹龍蛇春壓九河流。百年貢篚通南極。萬里旌旄屬
上游。莫笑談兵尊俎上。書生元不為封侯。

雨過何太僕

簷日陰陰喧晚雷。坐深庭樹不思回。捩風鶴鶴城邊
去。截雨虹霓海上來。詩興西堂還舊草。酒杯東閣又
官梅。陰符遁甲談兵罷。愁向煙塵兩鬢催。

天壇雷道士院

帝宮高鎖漢郊畿。羽士琴書靜可依。蘿洞畫樓雲霧
入。石壇秋禮珮環歸。叢叢晚竹臨風整。嚶嚶玄蟬曳

此作若文
穀輕綺飄
飄隨風

口。微渡海却思千載事。買山今恨十年違。

送衛進士推武昌府

少年佐郡楚城居。十郡風流盡不如。此去且隨彭蠡
鴈。何須不食武昌魚。仙人樓閣春雲裏。賈客帆樯晚
照餘。大別山前江漢水。畫簾終日對清虛。

九日獨酌簡何太僕

無客秋堂菊自芳。寒城獨酌對重陽。愁來轉覺登臺
嬾。病裏誰傳落帽狂。海內弟兄非異姓。楚南賓客本
同鄉。十年躍馬從遊地。風雨看花意不忘。

風度若鯉
躍晴波鳥
鳴春谷

懷寄邊子

汝從元歲侍 今皇誰念先朝老奉常。一出雲霄空
悵望。十年岐路各蒼茫。春天縹緲金莖露。晝日氤氳
紫殿香。獨有揚雄尚陪從。白頭抽筆賦長楊。

題嚴內翰賜扇

端陽綵扇百官傳。每歲宮臣賜獨偏。君去翰林供奉
久。始來經幄拜恩年。頒從殿閣風先動。捧向雲霄月
並懸。象轂銀鐶倍光寵。好揚薰吹助虞絃。

送舍人陸使吳下

柳拂清江畫鷁飛。節旄更喜便南歸。迴風樹裏吹官
騎。返照河邊上客衣。北固樓臺秋寺遍。長洲花草故
宮非。登臨莫恠多詞賦。吳下才人是陸機。

送徐舍人使南都

御書親奉出金扉。草綠南徐四牡騑。江上登臨鄉思
遠。客中離別宦情微。潮生鐵甕迷前代。雲起金陵識
舊畿。惆悵一春詩社冷。有誰吟對省中薇。

登樓觀閣時王令叔明邀王敬夫段德光康德
涵張用昭四子同遊二首

二詩有揮
袂生風嘯
氣成虹之
意

百丈丹梯俯翠岑。千年壇殿肅陰陰。風吹陸海黃塵
暗。雲去函關紫氣沉。春花况屬絃歌邑。勝地還成翰
墨林。香山洛社俱寥落。文采流傳直到今。

峻閣含風落照孤。憑高千里視平蕪。鳳笙錦曲春縹
緲。瑤草金光晝有無。採藥幾時尋碧海。種桃無復問
玄都。五陵冠劍豪遊地。猶是長安舊酒徒。

孫一元

字太初。號太白山人。關中人。正德間遊吳越。因家南屏山。

吳興浮碧亭

浮碧亭前湖水平。拍檻呼酒雙眼明。青天不動釣絲

太初詩神
采秀發不
澌色相假
如興謫仙

並起一時
則佑體近
作當互有
長短

捲白魚入手。漁舫輕悲風萬里。動南紀。落日一望播
東瀛。沙鷗野鷺少機事。道人亦有滄洲情。

南征

南征五月動旌旄。瘴靄蠻煙望目勞。此日壺漿迎虎
旅。幾年江海泣弓刀。戍樓鷗落風雲壯。野日猩啼戰
壘高。更喜皇天能悔禍。不妨遊子卧江臯。

滄江

千林草樹靜相依。來往尋詩坐釣磯。朝去青春惟鳥
雀。夜來新水到柴扉。中原落日愁多夢。萬里滄江定

二首如風
外韻笛音
韻飄渺

不歸擬向鹿門為地主。不妨常着芰荷衣。

辛未中秋同張秋泉僧龍玉升顯東明西湖泛

月

一望晴煙破暝幽。湖天灩灩月初浮。旋攜斗酒呼鄰父。小有蔬盤上釣舟。笛咽水龍中夜冷。杯搖河影苗山秋。人間回首悲何事。欲覽清光最上頭。

秋夜眺鎮海樓

天然奇雋
不假推敲

樓上輕雲散女陴。樓前狂客獨支頤。江當夕照半添色。詩與秋山兩闢奇。木葉無言時序暮。塵寰多事杖

藜知。只應又被漁郎笑。雨細斜風歸去遲。

新卜南屏山居

石上藤蘿對夕曛。解衣長日坐來頻。挽回滄海真無計。領畧青山合有人。養鶴似嫌雙口累。為漁又過一生身。相逢惟是南屏老。獨樹柴門許結鄰。

山居着野服

道人占斷南屏景。十里青山帶郭斜。對水柴門通鶴渚。隔鄰煙火是漁家。岳頭老檜占風雨。石上昌陽閱歲華。粧點太平還着我。棕鞵桐帽送生涯。

諸詩如沈
芷澧蘭幽
芳襲人

別吳野航約遊嚴陵釣臺

一曲離歌日欲晡。寒雲漠漠亂薜蘿。晚風江上人初別。黃茂樓中酒謾沽。凍樹裏花春有迹。暮林無葉月平鋪。明年準擬桐江去。共訪嚴陵舊釣徒。

登吳山絕頂望錢塘江潮

獨倚危岑岸接羅。晚潮初上練痕齊。亂槳鼉鼓妖蛟舞。倒捲銀山海日低。弓弩千年人去後。帆檣萬里望中迷。憑誰喚起眉山老。為誦錢王廟裡題。

同顧九和侍講鄭繼之戶部顧與成正郎殷近

夫縣令泛太湖作軍中樂酒酣賦詩

洞庭秋老翠陂陀。景物恢竒望裏過。石柱天風迴鶴鶴。海門波浪見鼉鼉。帆檣萬里憐漁父。鼓角中流和擢歌。獨倚蓬牕渾不醉。浮雲西北意如何。

殷近夫養二鶴每子至輒相對舞愛而作詩贈之

為愛使君雙舞鶴。杖藜相過水雲鄉。入門瘦影當窓見。隔樹閒行共我長。碧海青天憐昨夢。朱琴瑤月鬪圓。吮他年結屋羅浮上。萬樹梅花待汝翔。

癸酉中秋同吳興凌時東海昌董子言陳用明
西湖玩月爛醉歌此

中四聯如
露彩泛艷
月華徘徊

十里蕪葭雨盡收。西湖一望月光浮。野袍白幘同幽
事。菰米蓮房作好秋。波靜龜龍聽醉語。夜涼秦漢帶
漁舟。高情盡在形骸外。不用逢人說勝遊。

與施邦直過南野堂訪陸如崑侍御遊道場山

泛碧浪湖臨別書此

一笑長髯意已投。角巾相對草堂秋。看山載酒青藜
健。籠鶴尋僧盡日遊。浮世事多悲去鳥。野人道迫在只

三詩如裴
葉照沙菜
花覆水

滄洲他年寄跡來南墅。小結芳鄰水竹幽。

晚晴獨眺昇山絕頂

石磴天風笑語清。捫蘿直上思猶輕。斷虹妝雨青山
出。白鳥弄波斜日明。跡學漁樵成久業。身隨麋鹿長
高情。兵戈滿眼真何意。只漫蓬蒿過一生。

潛菴

避俗年來學養慵。惟憐猿鶴日相從。閒看流水孤筇
往。偶與歸樵一徑逢。老去形骸無長物。清留門戶有
高松。空教使者求顏闔。知入雲山第幾峯。

遊西湖 有引

甲戌秋七月十三日李參戎汝盛南征功成
 着野服訪一元于南屏山中既與棹舟湖上
 放歌飲酒於渚蒲沙鷗之間盡日樂甚因謂
 西湖自坡仙逝後五百載無此樂矣今日一
 元與汝盛有之為作一律以志他日有求其
 跡者於此亦可見云

虎旅將軍功業新也來林下放歌頻幾年天地傷多
 事此日江湖合有人菱葉亂迎青雀舫波光忽動白

綸巾君王若念南征意乞與西湖寄此身。

陪汝盛遊勝果寺酒酣登月輪峯望錢塘江湖

閒來野寺尋幽事扶醉登臨興更豪山脚遙分雲樹
 碧海門初上浪花高坐當落日吟偏壯望入中原首
 重搔投老要窮竒絕處不妨隨地混漁樵

種竹

種竹荒岡手記曾滿林蒼翠盡騰凌遙連野水青無
 間斜壓秋雲冷不勝慣覓漁竿防稚子祇分拄杖與
 山僧黃陵歌罷無人和明月闌干只自凭

此作有八
 極寸眸萬
 物指之意

烏啼

烏啼野樹歲將暮。滿眼菜蔬行路艱。老我祇應依白
隋。幾人猶未識青山。百年知己長鏡在。萬事無心拄
杖閒。獨倚高原望明月。隔雲黃鶴幾時還。

和劉元瑞叅政夜歸見寄

林下輕涼愜素裾。雨晴薄暮景偏餘。閉門句好香殘
後。搗藥聲高月上初。意外區寰元自厭。山中靜業未
全疎。他年杖屨來尋我。同在羅浮頂上居。

至日攜榼登道場山

瞥眼風塵感屢遷。椒盤栢酒自留連。半生作計閒為
上。到處論交出最賢。好句忽成黃葉寺。小舟漫倚白
鷗天。松聲泉語無人會。獨坐巖頭意已傳。

王庸齋方伯顧與成叅議見訪山中

柴門車馬藩侯重。下榻高談盡日懽。笑我風流丘壑
相對君。倒着竹皮冠。山中芝草闌干長。石上松陰空
翠寒。記得晦翁詩句好。一川風月要人看。

春晚歸山中草堂

生涯未了烏藤杖。裹足茅茨年復年。報答清朝渾是

二月如履
躡七盤長
袖翩翩

句破除塵事總宜眠。生來白石仙人分。老結碧山學士緣。賸有一裘行帶索。等閒嬾坐野狐禪。

送李劔州白甫

發船搥鼓使君行。望裏連雲棧閣橫。此日黎元猶在念。十年格鬪喜初平。鐵堂峽繞秦山遠。玉壘峯連漢水清。更喜文翁今在蜀。此行須見治功成。

衡門

投老衡門不用名。閒雲時伴一身輕。牀頭酒盡春剛去。座上山青詩又成。淡水短蒲蛙閣閣。澹煙修竹月

盈盈憑誰為問天。隨子藥草新生較數莖。

詳見陸龜蒙詩

秋夜坐吳山僧舍

夕陰一抹暗江城。入夜星河淺澹明。渡水煙寒千樹暝。隔林雲卧一僧清。絡蟲故故催機杼。木葉蕭蕭送雨聲。獨坐山窓情自會。燈花無那向人青。

乙亥元日

元日狂歌倒竹樽。東風昨夜到柴門。生逢盛世憂何事。家在青山道自尊。殘雪疎林開舊色。白沙細浪長新痕。春來漫有滄洲興。文鷺銀鷺滿釣輪。

詩意如秋風。颯颯洞庭葉下。

乙亥孟夏十六日范文一昆仲約余同汪進之
方質父泛舟西湖倡和二首

首章如桂
殿留董習
習生涼

雲移洲渚樹迴灣來泛湖光十里閒逸客風流同白
幘道人詩句說青山天留晚景平波上鷗落漁家亂
竹間此意與君須領畧菰蒲明月棹歌還
載酒同尋白鷺灣相看一笑意猶閒殘雲隔水空詩
句歸鳥度雲見晚山謝氏賓朋半渚上岑家兄弟漢
陂間醉歌小海無人和獨與漁郎泛月還

次章如蘭
棹停霞英
英不散

棲雲樓

樓上閒雲萬頃漫愛雲長日倚闌干巖花半落嵐光
重木葉亂鳴江雨寒野老自甘泉石味兒童時進蕨
薇盤閑來更覺青山好湘簾疎簾靜裏看

九日登高

南屏九日登臨地望裏風煙秋事幽青蕙娟娟憐物
候孤帆裊裊隔江洲秦雲隴樹歸心遠易水燕山落
日愁詩罷長吟還自佇汀鳥沙鴈晚相遊

諸詩若陽
阿之舞激
楚結風

新築茗溪草堂成

白沙翠篠淨江潭新築堂成映色寒旋有飛鳧臨釣

石。即看浴鷺傍清湍。扁舟此日鳴夷子。木榻經年管
幼安。長暇南鄰呼酒伴。一尊相對坐林巒。

史明古

號西村吳江人正德間山人

松陵夜泊

城陰分手即天涯。嶺樹江雲別路賒。未到故園都是
客。忽聞鄉語似還家。燈前今夜愁無寐。鏡裏明朝髮
有華。欲問歸舟何處宿。月明和鴈在蘆花。

登吳興慈感寺閣

亭亭高閣倚斜暉。廿載曾從此地歸。往事已隨春草

換重來似覺故人稀。孤城近水青山映。遠樹連雲白
鳥微。欲繫扁舟嗟未得。蘼蕪新綠釣魚磯。

睦樛

周府宗正號西亭

荅少峯使君舟行見憶

宗正博學
修行有河
間淮南之
遺而詩尤
風飄然有
致

錦纜彫檣泛夕烟。青春繡服儼神仙。千重雪浪尊前
瀉。萬疊雲峯鏡裏懸。興合江山常載筆。情淹水竹一
披筵。使君故枉瑤華贈。愧匪羊何寡和篇。

東坡書院成用前韻再荅少峯公見贈

青竹爲籬柳拂簷。紫苔沿徑草縈簾。卧游詎識江湖

遠坐隱。那知歲序添遲客。暮雲。還藹藹。窺人春月轉。
纖纖。匣中幸有瑤絨在。徒倚芸窓。幾自拈。

雪後送少峯公之山東

陌上張筵惜去留。况逢殘日映寒流。千山雪色迎仙
幄。九曲波光遶使舟。碧草屢陪菟苑賦。甘棠遙憶大
東游。共傳執法聲猶在。歲宴聊寬兩地憂。

汪沂

字希點。號魯狂。新安人。嘉隆萬曆間山人。

逍遙園歲暮留別陳本容兼簡吏部穆公

陳琳詞賦知名久。歲暮玄亭始晤君。正好連林深結

汪生遊梁
老而耽詩
尚堪千里

伴。不堪岐路復離羣。梁園此日衝寒雪。漳水他時倚
暮雲。一葦黃河天咫尺。莫懸高榻待論文。



